

آبونه شرائطی

داخلی ، خارجی هریر ایچون
سنه لکی (۲۰۰) ، آلتی آیلنی
(۱۳۰) غروشدور .

[نسخہ سی ۵ غروش ،
سنه لکی ۵۲ نسخہ در .]

اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایدله بن
یازیلر اعاده اولونغاز .

تذکره اشعار

دینی ، فلسفی ، علمی ، ادبی هفتلق مجموعه اسلامیه در

آبونه اهد کم سبیل الرشاد

صاحب و مدیر مسئول
اشرف ادیب

باش محرر
محمد عاکف

والله یهدی من یشاء الی صراط مستقیم

عدد : ۳۶۸

۲۹ ذی القعدة ۱۳۳۶

پنجشنبه

۵ ایلول ۱۳۳۴

جلد ۱۵

اونك طرز خطابندن سودكربنه قارشى نه قدر لطيف عتابلرده بولنديقى آكلارسك . اوت ، عتاب ايدييور اما بر طرفندن ده ، قصورلرني عفو ، معذرتلرني قبول ايلور . حقوقلرني حمايه ومدافعه لطفنده بولتيور ، اونلره امداد ، اسباب صلاح وسعادتلرني تهييه ، مشكللرني حل و تسويه ، اونلره قارشى اولان وعدلرني ايفا ايدييور . خلاصه بر دوست كه دوستلغني قازانق مختيارلغنه نائل اولانلره بشقه بر دوست آراتميور .

مترجمى : محمد شوكت
عبدالعزيز چاويش

امر بالمعروف ، نهى عن المنكر

برمدتن بري كرك سبيل الرشاد كي صرف برلسان دين وشريعتله ناطق اولان جرائد اسبوعيه ده ، كرك سائر يومي غزته لرده امر بالمعروف ونهى عن المنكره دائر بر طاقم بيانات متواليهيه تصادف ايتكمده اولديغمدن طولاي بنده كزده بو خصوصده بر آرز ايضاحات ويرمك ايسترم .

(واتكن منكم امة يدعون الى الخير يا مرون بالمعروف وينهون عن المنكر واولئك هم المفلحون) فرمان الهيسيله امثالي آيات جليله نك احكام عاليه سنه بناء فرق ومذاهب اسلاميه نك جمله سى امر بالمعروف ونهى عن المنكره وجوبنده اتفاق ايتمشلردر . آنجق اهل سنه كوره بو وجوب فرض كفايه نوعندن اولوب بو فريضه بر فرد ويا بر جماعت طرفندن ايفا اولنورسه ديكر لرندن ساقط اولور . چونكه آيت كريمه ده (ولتكن منكم امة) بيوريلوب (كونو كلنكم امرين بالمعروف) بيورلما مشدر . (واولئك هم المفلحون) جمله سنه نظراً جناب حق فلاحى ده بو امره بالفعل مباشر اولانلره تخصيص ايتمشدر .

(ليسو سواء من اهل الكتاب امة قائمة يتلون آيات الله آناه الليل وهم يسجدون يؤمنون بالله واليوم الاخر ويأمرون بالمعروف وينهون عن المنكر ويسارعون في الخيرات واولئك من الصالحين) آيتنده ده بيان اولنديقى اوزره جناب حق امر بالمعروف ونهى عن المنكر جمله لرني ده اضافه ايتدكجه مجرد اللهه ويوم قيامته ايمان ايتكمكه مؤمنك صلاحنه شهادت بيورلما مشدر .

(والمؤمنون والمؤمنات بعضهم اولياء بعض يا مرون بالمعروف وينهون عن المنكر ويقيمون الصلوة) آيتنده ده جناب حقك مؤمنلري امر بالمعروف ونهى عن المنكر ايله ثنا بيورمسي امر مذكورك نظر الهيده كي قدسيت وفضيلته دالدر .

فرق ومذاهب اسلاميه آره سنده بو بابه بر اختلاف وارايسه امر مذكورك كيفيت تطبيقه راجع اولوب ذات مسئله يه عائد دكلدر . سعد بن ابى وقاص ، اسامه بن زيد ، ابن عمر ، محمد بن مسلم وسائرهم كي اصحابدن بهضيلري ايله احمد بن حنبل وامثالي مثله قدامى اهل

يازمش ايسه ده ابن القيمك اتقانه نقل ايتمش اولدينى سوزلري بز حقيقه سزاوار تقدير بوليورز . ابن القيم دييور كه : قرآنك طرز خطابنى شويله بر تامل ايت ، بر پادشاه كوره جكسك كه ملك وجود بد قدرتمنده در . حمد لازمه يالكز ذات پا كنه ايديليو . زمام امور الله اولدينى ايچون هرايش اونك اراده وتديبيريله حصول بولور ، ينه اونك تقديري دائره سنده نتيجه پذير اولور . ملك اكونك هيچ بر كوشه سى كندينه كزلى قالماز ؛ قوللرينك كزلى ، آشكار هيچ بر حال وكارى نظر اطلاعندن قورتييله ماز . سلطنت طملك تديير وتديورنده يكتادر .

كورور وايشديو ؛ ويرير ، اسير كه ؛ نائل مكافات ايدر ، دوچار مجازات ايدر . مكرمدر ، مهيندر ؛ او يار ادير ، او بسير ؛ تقدير ايدنده ، حكم تقديرينى انفاذ ايلنده كنديدر . امور كائناتك مدبر حقيقيسى ذات ذوالجلال ايدر .

كوجك بيوك هرايش ساحه تجلى به اونك عرش جلال وعظمتندن اينوب كاير ، بالنتيجه ينه اوبارگاه معلايه يوكسه لير . بر ذره حركت ايدر سه آنجق اونك اذنيه حركت ايدر ؛ بري اراق دوشرسه بهمه حال اونك معلوماتى تحتنده دوشر . دوشون وكور كه او ، نصل ذاتك ثنا خوانى اوله يور ، كندى كندى نه بولده تجيل وتحميد ايدييور ؛ قوللرينه نصيحت ايلور ، وجوب فلاح وسعادتلري اولان بوللري كوسترييور ؛ اوللري بويوللري طومغه تشويق ، هلاكلرني موجب اوله جق احوالدين تحذير ايدييور ؛ اسماه وصفات الهيه سنى او كره تهر ك قوللرينه كندى طانيتيور ؛ نعم والطفانى صايوب دو كورك اونلره كندى سوديرييور ؛ نعمتلرني اخطار ايتكمكه قوللرينك اتمام نعمته كسب استحقاق اسبابنه توسل ايتملرني امر ، يا خود باعث انتقامى اوله جق احوالدين تحذير ، مقصدينى كوزه دييور . اطاعت ايدر لرسه حاضر لاديني الطاف و عناياتى ، عصيان ايدر لرسه حقلرنده ترتيب ايدجهكى انواع عقوباتى شمديدن سويلوب بيلديرييور . دوستلرينه ، دشمنلرينه قارشى ياديني معامله يي وهرايكى زمره نك عاقبتلري نره نه نجر اولديغنى خبر ويرييور . دوستلرينك ، يادقلرى اك كوزل ايشلري حائر اولدقلرى اك كزده اوصافى ياد ايدره ك ستايشلرنده بولتيور ؛ دشمنلرني افعال سيئه واوصاف رديشه لرني تشهير ايدره ك يرييور ؛ حقايق تبيين ايچون مثله ايراد ايدييور ؛ متنوع دليللر ، برهانلر سرد ايدييور ؛ دشمنلرينك القاي شبه مقصديله ميدانه قويدقلرى اوهام ومغالطه كوزل كوزل جوابلر ويرييور ، صادقك صدقنى تايد ، كاذبك كذبى اعلام ايدييور ، حقى سويلور ، طوغرى بولى كوسترييور . كندينه قارشى هر صورتله فقر واحتياج موقمنده بولندقلرى وبر لحظه طور استغنا طاقمنق امكان اولادىغنى ، عين زمانده كندى نك دكل انسانلره بتون موجوداته قارشى استغناى مطلق صاحبي اولديغنى سويلور . انسانلره او ، احسان ايتدكجه ذره قدر خير ، عدل وحكمت ايچاب ايتدكجه او نسبتده برشر ترتب ايتمه جكنى خبر ويرييور .

ارثه ایدلکده اولدیغه بالاده اشارت اولنمش ایدی .
ایکنجی اجتهادی التزام ایدن قافله فضلايه کوره قدماي اهل سنتک
درمیان ایتمش اولدقلری دلائل بویابده برکوناهجت تشکیل ایتمز . چونکه
اولا ضرب ظهر واخذ ماله قارشى وجوب صبری آمر اولان
حدیث شریف بو مثللو خصوصاتی بر موجب حکم شرعی اجرایه
مأمور اولان امام المسلمینه مائدر . بویله بر صلاحیت شرعیه بی حائز اولان
امامه قارشى صبرک وجوبی ایسه انکار اولونه ماز . حتی بویله بر امره
قارشى امتناع ایدن کیسه فاسق وعاصی عد اولنور . حضرت پیغمبر
ظلمه مدافعه امکانی موجود بولندجه صبری امر ایتماشدر . زیرا
(تعاونوا علی البر والتقوی ولا تعاونوا علی الاثم والعدوان) بیورمشدر .
حتی بعض علمایه کوره ظلمه مدافعه امکانی موجود ایکن مدافعه ایتماک
ظلمه معاونت مناسقی تضمن ایدر . نهی قسالة دائر اولان احادیث
سینه ایسه اسلامیتک دور ضعفی کبی اوائل حالنده نازل اولمش
وبالآخره (من رأى منکم منکرا فلیغیره بیده ان استطاع فان لم یستطع
فلیسأه فان لم یستطع فقلبه وذلك اضعف الايمان لیس ورا ذلك من الايمان
شی) ، (لاطاعة فی معصية انما الطاعة فی الطاعة وعلی احدکم السمع
والطاعة مالم یؤمر بمعصية فان امر بمعصية فلا سمع ولا طاعة) حدیث
شریفلیله نسخ ایدلشدر . شو آیتلرده بیان بیوریلان آدمک
ایکی اوغلتک قصه سینه کلنجه انلرک تابع اولدقلری شریعت بشقه اولدینی
جهتله بزه کوره دلیل اتخاذه صالح دکدر دیورلر . (لکل جعلنا
منکم شرعة و منها جا)

روایت اولنورکه برکون بریسی حضور پیغمبری به کلش وبغیر حق
مالی آلق ایسته یین بر آدم حقتده نه یا مسمی لامکه جکفی صورمش .
حضرت پیغمبر دخی جواباً . « مالکی کندوسسینه ویره . » دیمسی
اوزرینه : « یارسول الله او آدم بویوزدن بمله مقاتله قاقیشیرسه نه
یا بهیم ؟ » سوزنی تکرار ایتمش . بوکاجواباً : « کندوسسینه مقاتله ایدکر .
بیورمش . « یا اوینی اولدر رسه حکم نه در ؟ » سؤالی ایراد ایلش . ا کاده
« ناره مستحق اولور ، جوابی ویریلنجه مرقوم یینه « یابن اونی
اولدر رسه ؟ » دیمش . بونک اوزرینه رسول الله اقدمزده جتته
کیزه جکسک ، حکمنی بیان بیورمشلدر .

حضرت عثمانک حادثه سینه کلنجه بونی ده مدعا به دلیل اوله بیله جک
برماهی حائز کورمیورلر . چونکه مشارالیه اوزرینه کان کیسه لرک
یا لکر کندوسنی محاصره ایتدکارینی کوربوردی و اوله ده ظن ایدیوردی .
کندوسنی قتل ایده جککرینی قطعاً بیلمزدی . یوقسه قاتلله قارشى
مدافعه به قیامی قطعی و ضروری ایدی دیورلر .

بورایه قدر اولان ایضاحات فرق اسلامیه نیک امر بالمعروف ونهی
عن المنکر حقتده کی نقاط نظرلرینی بیاندن عبارت اولوب امر بالمعروف
ونهی عن المنکرک تابع اولدینی بر طاقم قیود و شروط مهمه بی ده
انشالله ایکنجی بر مقاله ماله بیان ایده جکم .

حیدری زاده

ابراهیم

سنتدن معدود بولنان بعض ذوات منکرک تغیری ایچون قلب ولسان
کبی جوارحک استعمالنه قدر جواز ویر یورلرسه ده بویابده بدو سلاح کبی
اسبابک استعمالنه مساعده ایتماشلدر . بکر ابن کیسان الا صمده بوکا
قائدر . بالعموم روافض دخی بو رأیده در . آنجق روافض بورائی
حادثه ده بر ناطقک خروج ایتماش اولمسيله تقیید ایدیوزو « بر ناطق
وصاحب امرک خروجی حالنده کندوسسینه برابر سل سیف ایتک
واجبدر ، دیورلر .

اهل سنتدن بو رأیه قائل اولانلر حضرت عثمان ایلهمذ کور .
الاسامی اصحاب کرامه اقتدا ایتماشلدر . مع مافی اهل سنتک بو مقاله به
قائل اولانلری ده . بو اجتهادلرینی حادثه ده بر عدلک موجود
اولماسی صورتیله تقیید ایدوب یوقسه مسئله ده تغیر منکره تشبث
ایتمش بر امام عادل موجود ایسه انک دخی امام عادل ایله برابر اولمنکرک
تغیری ایچون سل سیف ایتسی واجبدر ، دیورلر .

اهل سنتدن بر چوق طائفه لره جمیع معتزله و جمیع خوارج وزیدیه
فرقه لرینه کوره منکرک تغیری صورت قطعه ده سل سیفه احتیاج
کوسترر و بو ادعا ایله میدانه آتیلان اهل حق دخی منکرکی ازاله
ایله تأمین مظفریتدن مایوس اوله جق برکیت و کیفیتده اولور ایسه
او وقت منکرک تغیری بر فریضه ماهیتی اکتساب ایدر . یوقسه عدداً
قابل اولدقلری کبی امید مظفریت دخی ضعیف ایسه او حالده تغیر
بالید وظیفه سنک مساعده بر زمانه تعلیق ایجاب ایدر .

امام علی ، عایشه ، طلحه ، زبیر ، معاویه ، عمرو ، نعمان بن بشیر ، حسن بن
علی ، عبدالله بن الزبیر ، حضرت ایلله وقتیلله انلره تبعیت ایتمش اولان اصحاب کرامک
جمله سی بورایه قائل اولدقلری کبی انس بن مالک کبی اصحابدن عبدالرحمن
ابن ابی لیلی ، سعید بن جبیر ، ابن البختری الطائی ، عطاء السامی
الازدی ، حسن بصری ، مالک بن دینار ، مسلم بن یشار ، ابی الحوراء ،
الشعبی ، عبدالله بن غالب ، عقبه بن عبدالغافر ، عقبه بن صهبان ،
ماهان ، مطرف بن المغیره ، ابن شعبه ایلله بو مرتبه ده بولنان بر چوق
فضلاي تابعین دخی بو رأیده ایدیلر . انلردن سوکره کلن بر چوق
تابع التابعین دخی بو اجتهادی محافظه ایتدیلر . ابو حنیفه ، حسن
بن حنی ، شریک ، مالک ، شافعی ، داود و اصحابلری کبی ذوات
عظامک اقوال شریفه لری ده بو اجتهاده دلالت ایتکده در .

کله لم بویکی طائفه نیک بویابده استناد ایتکده اولدقلری دلائله :
قدماي اهل سنتک بویابده کی استناد کاهلری (کن عبدالله المقتول ولا تکن
عبدالله القاتل) وسائر کبی بالنتیجه نهی قتالی وحتی آرقه سینه اوریلوب
مالی اخذ اولنسه بیله بو معامله به قارشى وجوب صبر وتأنی بی آمر
اولان بر طاقم احادیث شریفه دن بشقه (قل انی ارید ان تبوء بائمی
وائتک فتکون من اصحاب النار) ، (وائت علیهم نبأ انی آدم بالحق
اذقربا قرباناً فتقبل من احدهما ولم یقبل من الاخر) آیت جلیله لریدر .
حضرت عثمانک حادثه قتلنده مشارالیهک التزام صبر وتأنی بی استعمال
سلاحه ترجیح ایلسی ده بویابده کی دلائل جمله سنتدن اولق اوزره